

Wachafftige Beschreibung/

Was massen sich

das Leoboldische Kriegsvolck
dis 1611. Jars sich zu Passaw hat
auffgehoben/ vnd nach Prag gezo-
gen / was sich mit ihnen verlossen/
auch was sich mit den rebellischen
Bawren zugetragen / wird
hierinnen kurtzlich
begriffen.

Im thon / Hilff Gott das mir gelinge /



Gedruckt zu Gnoltspach/bey
Paul Böheim/ Anno
1611.



[Faint, illegible text, likely bleed-through from the reverse side of the page. The text is mirrored and difficult to decipher.]

175
Werdt auff was ich will sin-
gen / ihr lieben Christenleut/
von erschröcklichen dingen /
so newlich geschehen seynd / in der
Kayslerlichen Statt Prag / den 16.
tage / im Hornung ich euch sag.

Demnach die groß Kriegs schare/
die Passawischen ich meldt / zogen
von Passaw zware / vber das weite
feldt / zogen also auff Prag hinein /
namen also mit gewalte / die kleine
Seitten ein.

Doch hat man sich gewehret / auff
dem Rathaus fürwar / auch sonst
in andern Häusern / mit schiessen vñ
steinwerffen zwar / darvon vil tod
gebliben sein / ach Gott laß dichs er-
barmen / der jämmerlichen Pein.

Als bald so ist zuhanden / in einem
jeden Haus / ein weißes Tuch ges-
näte / gehend et wordē auf / welches
ein Frid bedeytē thet / doch Habens

Das Rathauß eingnommen / vnd
die Schliffell begert.

Auff der Neuß zwey Häuser ebē /
wolten sich nicht geben dratt / die
hat man alsbaldt eben / anzündet
an der stät / das Fußvolck in grosser
schar / die Kramleden auffgebros-
chen / vnd als genommen gar.

Der Rittmaister Brentl schone /
machtet sich auff die Ban / mit einer
Chornetreiter / wol auff die Brüs-
gen schon / sezet dem Böhmischen
Obristen gar hart zu / doch hat er
eingebüeset / wie ich euch melrē thu.

Als er zum Thor nein thame / wol
auff den halben theil / als bald hat
man vorane / den Schuß gatter in
eill / herabfallen lassen thon / dar-
durch ist geschedit worden / gar
manicher stolzer Mann.

Also meld ich mit trawren / was in
die Altstet nein kam / wurt als nids
gehaben

156
gehawen / nicht vil Kamen darvon /
der Rittmaister geschossen wardt /
vnd auff das Rathauß geföhrt /
ligt noch gefangen hart.

Der Graf von Thurn zware /
hat auch empfangen hart / zwen
Schuß sag ich fürware / auch sonst
sehr geschädigt wardt / es wardt
ein klägliches geschrey / ach Gott
thue vns behüten / vor Unfrid
mancherley.

Jezunde meldt ich in summen /
allhie wol zu der frist / wienil da
sein vmbkommen / was ich euch
meldt ist gewiß / bey 500. an der zal /
haben in disem streite / jr leben glaso
sen all.

Darunder ist gewesen / gar man-
cher Hauptmann schon / Buelchs
haber def gleichen / seind bliben auff
dem Plan / der meist entheil gewes
sen ist / das Pasawischen Volckes /
wie

wie ich meldt zu der frist.

Noch mehr thu ich vermelden/
allhie wol zu der frist / ein junger
Herz vom Adel / von Schullens
berg er ist / er wolt nach Dresen/
weichen thon / mit seiner Frawen
Mutter / auch mit seiner Schwe-
ster schon.

Fuhren auff einer Gutschen zwas
re / zur Laufniz also auß / als sie
nun kamen dare / auff ein Meil
wegs hinauß / draffens Rebellische
Bawren an / die thetens alsbald
blindern / inen auch gnommen han.

Nemblich 5000. Thaler / wie ich
meldt an dem End / die Rebellis-
chen Bawren zu male / ermorden
als behend / solches ist dem Leo-
boldt kundt gethon / der hat in ein-
nem geschwinde / sich alsbald gris-
stet schon.

Nam 200. Muscatierer / machet
sich

197
sich auff behende / vnd auch zwen
Cornetreitter / kam zu inen gerent /
vnd in 300. Bawren schon / die hat
er all erschlagen / 24. fangen thon.

Darund ein Bäurin ware / bey je
man funden hat / ein guldene Ket-
tenzware / wie ich melt an der stät /
sonst ist groß rauben in dem Land /
dem verstorbenen Hoffmaister / has
bens die finger gschnitten von der
Handt.

Wol mit den Gulden Ringen /
die er an der Hand hat / Ach Gott
laß dich der dingen / erbarmen an
der stät / wöhr vnd steur solchen
vbermut / vnd nimb die frommen
Christen / O Herzin deine hut.

Vñ thu vns all behietē / vor Auff-
tur Krieg vnd streit / vor der Tyr-
rannen wieten / der jegund gar vil
seind / Allhie in disem Jammer-
thal / nimb zu dir in dein Reiche /
die Christen all zu mal.

Faint, illegible text, likely bleed-through from the reverse side of the page.